

太上大道高聖玉晨太素紫宮八靈三元君
中央黃老君無英白元太帝五老高真上仙
太極皇精三皇玉君大洞三景弟子兼禮以
吉日之夜天關九開之門上聞太上玉皇真
君乞得長生世上壽無億年時乘黃晨龍棘
上詣紫庭役使萬神侍衛四明單勿令人知
太素三元君女子也德凝虛元神高太上教
制天真領理萬系三元君乃一女子耳積感
瓊珠虛生霄晨結煙散景道陵玉真夫三元
君之出遊也則日月傾曜烈燭拔根八風揚
波颺蕩幽源連暉九萬高甯儻晨絳霞鬱數
黃雲九縷於是五老啓途太帝扶軒西皇東
節東華揚幡九天為之顛徊太無為之起煙
幽系隱謁八景連塵顧眄羅於無上俯仰周
于百圓大哉高皇是曰太素三元君夜在密
室常存三元君來在室中心拜心語如是不
替則所向如願萬事克和此為真人致神仙
之要法也
太素三元君服紫炁浮雲錦帔九色龍錦羽
裾建寶珠扶晨羽冠腰流金火鈴虎符龍書

而塵空中馬膝下常有綠丹青三素之雲黑
鬱然冠其形也太素三元君常誅曰
太無連玉清三曜洞高明八素迴晨風散雲
鶴飛靈圓輪擲坤峒金映冠天精玉華結五
老紫煙運霄翰乘炁蕩玄房委順扶所經金

姿曜九霞玉質躍寒庭幽童迴孩眇老又還
返嬰蒂一固泥九九真保黃寧視眄萬劫外
齊此九天傾若存念之時當諷此誄之作云
是玉清上官之唱以和於形魂之炁也若存
三元君者首作頽雲三角髻餘髮散垂至腰
○中髻上乃冠扶晨冠耳子存感致若亦將見
之於紫房及左右也此者之間當有太素王
女三寶真人來降於子矣欲行此道常當別
寢獨處不雜他人每事亦爾非唯此一事而
已

雲笈七籤卷之四十一

雲笈七籤卷之四十二

攝二

存思

存大洞真經三十九真法出三十九
章經

太微小童

讀高上虛皇君道經當思太微小童干景精
真氣赤色煥煥從兆泥丸中入下布兆身舌
本之下血液之府畢微祝曰

真氣下流充幽關鎮神固精塞死源玉經慧
朗通萬神為我致真命長存拔度七祖返胎
○仙畢引赤氣三嚙止便讀玉經畢又祝曰
天有大隱生之靈寶稱曰明梁上之氣守我
絕塞之下戶更受生牢門之外乃又召益元
之羽童列于練室之軒使解七祖百結隨風
離根配天遷基連變入玄玉清隱文又祝曰
元氣非本生五塗承靈出雌雄寄神化森羅
邃幽鬱玉音響太和萬唱元中發仙庭迴九
變百混同得一易有含虛中俱入帝堂室卑
此高上祝秘文泄之七祖充貴
太一尊神

讀上皇玉虛君道經當思太一專神務猶收
真氣紫色爛爛從兆泥丸中入下布兆王枕
之下泥丸之後戶畢微祝曰

太一保命因神定生為我上招帝真之氣下
布紫戶之庭玉經仰徹九元胡明七祖同歡

俱昇上清畢引紫氣三嚙止便讀玉經畢又
祝曰

兆身常死關結胎害百神百神解胎結披散
胞內根七世入帝室一體合神仙仙會王
堂七祖生南宮併帶理明初同席孩道康萬

真守身形是日藏初明帝一廻雌雄保鎮百
神門閉塞萬邪戶受事九官間典禁召司命
三日朝泥丸

帝君

讀皇上玉帝君道經當思帝君延陵覽真氣
紫光鬱鬱從兆泥丸中入下布兩層中間紫
戶之外宮畢微祝曰

帝君度符籍正氣召萬神上招玉真充氣布
兩眉間混一生帝景三素成我仙醴奏乘龍
蓋運昇高上軒畢引紫氣三咽止便讀玉經

畢又祝曰

扶晨始理生紫雲映玄阿煥洞圓光蔚見明
濯耀羅眇眇靈景元森灑空清華九天館玉
寶金房唱霄歌賢哉對帝賓役召伯幽卑七
祖解胞根世世為仙家玉清隱文又祝曰

丹皇運珠守鎮死門上一赤子玄帝凝天一
名伯元上亦為三元先扶我養我使我登雲
輪常坐上清軒七玄為仙君

无英公子

讀上皇先生紫晨君道經當思左无英公子
玄元叔真氣玉光奕奕從兆泥丸中入下布
兆左腋之下肝之後戶畢微祝曰

元英神真生紫皇三氣混合成宮商招引真
氣鎮勝晚運流三丹會洞房為我致仙變丹
容飛昇雲館入金墻畢引玉光三咽止便讀
玉經畢又祝曰

神安氣洞上與天通越出地戶過度天門隱
息四維七星散分飛行陰房日月植根守金
藏玉制御萬神仙王何人我已成真隱存雌
雄玄洞四鄉結中青氣號為延昌字曰和嬰

理今年長玄歸國內慶玄宰張我日成真飛
仙雲京
白元洞陽君
讀太微天帝君道經當思右白元洞陽君真
氣金光耀耀從兆泥丸中入下布兆右腋之
下肺之後戶畢微祝曰

洞陽靈靈標魂生金光煥煥氣中精招真固
神令長生拔出幽根返胎嬰駭宸御氣昇玉
清畢引金光三咽止便讀玉經畢又微祝曰

洞陽靈靈標守體死門開戶出三尸盡受入

九真源解胞散滯血百節生正神七祖滅尸
禍披殖後葉思黑氣斌來生斫斷胞死根世
世受道德後獲帝仙卿帝仙是何人明明七
葉孫乃祖入丹都併坐籍上門
司命丈人

讀三元紫精君道經當思中央司命丈人君
真氣紫雲之色爛爛從兆泥丸中入下布兆
絳宮心房之中畢微祝曰

司命定年丈人保仙度名於南宮上奏帝君
前世世為仙王拔出七葉根福報无窮已皆

前

前

若玉經言畢引紫雲氣三咽止便讀玉經畢又祝曰

會元三機交携領迴胎嬰承光守下關務玄待月明於是混離回齋明車受成福延七世禍散玄生守景六合陵梵七靈共生億千款

昇玉庭嬰兒徘徊羽衣命仙吉濟萬萬福布千千骨有玉映血承瓊泉生樂天地日月同年玉清隱文又祝曰

福布七玄前罪滅三陰中靈吹九最妙納氣大帝宮五仙携太一併位重冥空遂隱上清室羽明帝一房

桃孩若讀真陽元老玄一君道經當思命門桃孩若道康真氣黃雲之色從兆泥九中入下布毛臍中命門之外畢祝曰

真雲正神祝曰桃君混合生官守護命門道仙致氣齊景雲七祖同生受福高晨畢引黃雲之氣三咽止便讀玉經畢又微祝曰五嶽真人定錄四宵司錄促到護籍理民起非權節雲拘執播香風八披惡魔絕煙並來

對帝萬萬福且度我生籍名連玉門扶翼五老慎謹披塵玉清隱文又祝曰

太上時祥子一曰合精延是為命門王可以召萬神萬神即時到會環閉門使令散福禍絕福連上寢玉堂世受名仙

上一赤子讀上元太素三元君道經當思泥九天帝上一赤子真氣如寶光從兆泥九中入下布泥九九孔之戶畢微祝曰

上元赤子就上真飛雲羽衣耀紫煙上招明景對帝寶光奕奕映我身身生毛羽昇九天畢引寶光三咽止便讀玉經畢又祝曰

童子景精有神有威合象三形九道相推衣服朱丹步參差出入上元太極內階知我者長生存我者不衰人元哭兆恃賴辟非欲知吾處密問太微太微玉帝三聖徘徊使我左右一合俱飛混洞六府日月齊輝玉清隱文又祝曰

九道轉對五老各掌洞陽術籍號曰鬱靈七世父母及胎更生累業積罪罪滅福生上入

帝室受書丹明常與伯史原徘徊三界庭中金佩明寶曜圓形玉輪址回役御朱兵

中一丹皇君讀上清紫真精三素君道經當思神宮中一元丹皇君真氣日光之色從兆泥九中入下

布頂中大椎骨書之戶畢微祝曰中一真君號曰運珠上招日光護我形軀三真寶曜固命玉符壽億萬年永元終休身生羽服飛昇天衛畢引日光三咽止便讀玉經畢又祝曰

天有九魂不可不分道有三真不可去身帝一變景萬化以珠流珠停輝紫霞踊煙七度理路三光映真太一精符相與為親司命街月唯我重層五老衛日吸我三便太上道君與我纏綿上造天階携把太真

黃慶元王讀青雲陽安元君道經當思命門下一黃庭元王真氣月光之色從我泥九中入下布兩

亮間單軸下戶畢微祝曰下一真元王號曰始明精三皇把符命金契

度仙庭上招景中氣氣布冠我形羽車曜雲
羅令我飛上清畢引月光三咽止便讀玉經
畢又祝曰

五藏百結生此萬疾玄一林虛開解結結
絕病散精神益溢福氣充明禍驚傾竭仙心

日臻死道月絕混化九君合符帝一七神奉
符公子入室

九真帝昌君

讀皇清洞真道君道經當思泥丸九真帝昌
君上皇真氣青光萬文從兆泥丸中入下布

口之四際畢微祝曰

九真始生生於上元號為光靈三景各分上
招玄暉布流四門鎮神保仙枝度七玄勝景
乘浮朝拜三元畢引青氣三咽止便讀玉經
畢又祝曰

七氣雜羅太混黃寧六甲輔魂內注六丁三

真入胃液流大明五符上皇泥丸常生九星
下映日同母耕遊賜八極通蓋雙嬰上到紫

房被中羽青七祖父母各得返生

八真含景君

讀高上太素君道經當思膽中八真含景君
真氣黃雲之色從兆泥丸中入下布兆背脊
骨節之府畢微祝曰

八真結精神生九天號曰北臺君常在三合
間招真洞明氣下流布我身生紫暉與帝

結親傍契五老太仙纏綿畢引黃氣三咽止
便讀玉經畢又祝曰

生生得帝心各會重戶內紫房泥五神魂魄
恒寶貴七關受仙輝五藏充玉氣俱過水火

天披達四和蔚上歸皇一子與兆魂相對

七真玄陽君

讀皇上四老道中君道經當思左腎七真玄
陽君右腎七真玄陰君真氣黑雲之色從兆
泥丸中入下布兆背脊骨地戶中畢微祝曰
七真生帝景八氣運常寧上招日中童圓珠

映我形迴風混幽府歸妙大洞經拔出地戶

難超凌逸九天畢引黑氣三咽止便讀玉經
畢又祝曰

太一鬱書上登洞房六合三寶司命神公手

執錄籍駕景乘龍左迴靈曜右扇神風峨峨

隱珠分豔嬰蒙浩觀太元濯練五通澄魂羽
幽鍊魄空洞招兆百神月帝之功七祖順生
景福昌隆迴我老艾還復玄童上對神霄金
光十方飛騰玉輪輝金鳴鐘

六真元素君

讀王晨太上大道君道經當思肺中六真上
元素玉君真氣白雲之色從兆泥丸中入下
布兆頸外十二關梁之中畢微祝曰

六真奕奕白光央央迴帝之景上入丹鄉招
真下流灌我玉霜羽裙紛紛衣我仙裳越過

水火飛登神京畢引白氣三咽止便讀玉經
畢又祝曰

九合三雜紫房散分五老正嚴帝一保神司
命養籍奉行三元胞樹斷落血尸絕根返胎
朱火迴氣泥丸我合九清大混百神身登玉

房同耕金仙道逸太素徘徊三天重華列簡

累支流玄世為道伯大福纏綿上寢玉清下
息命門五藏秀華頂負日魂長保劫齡後天

常全

五真養光君

讀太清大道君道經當思脾中五真養光若
真氣如玉光金真之色從兆泥丸中入下布
兆喉內極根之戶畢微祝曰

五真散靈布氣九玄金光曜暉玉氣吐津萬
神並暢熙怡我身圓光奏命籍太一勅九天

降致八景與策龍駕紫煙混合三帝室保我
億劫年畢引玉光金真之氣三咽便讀玉經

畢又祝曰
晨登九景臺夕入神霄門太一神夫子或曰

三來寤左執兆符籍右携洞陽君定生會紫
房五神更混分混分逸帝堂七祖絕死根五

毒氣寒滅緊津元淨連令我尸血化帝房出
金元三塗絕苦樹世世獲天仙常與景中玉

積劫保元元
四真清明君

讀太極大道元景君道經當思肝中四真清
明若真氣青雲之色從兆泥丸之中入下布

兆胃脘之戶膏膜之下微祝曰
四真常生青光華精聚徊秀朗垣沈珍玉景

塵携挺高上元俯仰要五靈拔解七葉根與

我保華畢畢引青燕三咽止便讀玉經畢又
祝曰

帝室混身一道萬分是曰帝一白帝皓靈金
霞理日重冥幽寒藏神化密把兆五符與天

相畢玉暉覆蓋元死元疾七祖父母超登丹
室胞根八解死符絕滅帝得五元我迴三七

六府煥奕金書羽札世為仙真實錄玄別華
繁會玄世元曲折

三真元生君
讀皇初紫虛元君道經當思精血中三真元

生君真氣赤雲之色從兆泥丸中入下布兆
鼻兩孔下源之中畢微祝曰

三真煥光流丹徘徊玄合九景三洞金扉上
招朱童五苦廟闕死根斷落日魂同飛超逸

十界上昇玉階畢引赤氣三咽止便讀玉經
畢又祝曰

七氣混合帝一迴元結滯日散兆命長遷死
道閉滅斷絕胞根五藏生華六府金解帝一

保形司命保神五符塔扉五籍登仙世為道
王帝師纏綿散香龍憲返華揚煙七携无上

八暉九陳流源回液領會六洲名書上清氣
積寂軒迴風脫死帝一相連五通七合俱生
上元

二真堅玉君
讀元英中真上老君道經當思骨節二真堅

玉君真氣碧雲之色從兆泥丸中入下布兆
太倉五腸之口畢微祝曰

二真固神鬱勃三關迴金合玉堅備泥丸上
通帝氣布流金門混化放明合我仙魂七祖

同飛滅絕胞根世保道德永享欣欣畢引碧
雲之氣三咽止便讀玉經畢又祝曰

魂生元中布在九重道出三極常遊絳宮三
宮合化是為紫房紫房所在先由明堂明堂

之內守神桃康風雲鬱鬱既清且涼塞閉欲
孔割破應根其聖曰哥其真曰密兆能知之

乃開金門金門左右忽見高賢左曰父寧右
曰精延此是景中伯與爾登玉宸父寧母精

世世為仙萬條重華皆受帝恩
一真天精君

讀中央黃老君道經當思心中一真天精君

真氣絳雲之色從此泥丸中入下布此胃中四極之口畢微祝曰

一真鎮心總領百神百神常生會我絳軒上招玉氣六液沈珍赤景啓靈拔我七根超逸三塗上昇南仙畢引絳氣三咽止便讀玉經畢又祝曰

帝一迴風化合桃康流生起福上溢玉堂混而合之出入帝房三五合一必成仙君七玄父母滅尸散怨萬劫千年皆登上仙曲節伏尾廣教鬱申守我形者司命丈人帝君公子深固泥丸太微玉華羽服揚幡魄魄長相抱百骨皆滿神神王生津上超越度死門遂友高仙子把持玉清賓九元之真

讀青精上真內景君道經當思九元之真拘制真氣五色雲氣從此泥丸中入下布此左耳之下伏展之戶畢微祝曰
九天之精天關開憲八景合氣上通金房三元帝室返老生翁玉華灌溉練改艾容飛霄紫輿遵我昇空畢引五色雲氣三咽止便讀

玉經畢又祝曰

太微小童常在帝前其名景精其姓曰干合形太一被服朱丹五符命藉把持玉案帝君所臨主道諸神混合太一司命丈人固保靈戶五藏會分帝仙守宅凶種滅根三氣鬱敷八迴五煙我得昇霄駕龍明軒皇一之魂

讀太陽九氣玉賢元君道經當思皇一之魂上歸真氣玄雲之色從此泥丸中入下布此右耳之下伏展之戶微祝曰
皇一上真洞生丹房朱映蘭曜發溢明光太元之音朗徹九空玄金獨落振響琅琅上招玉景攝我神堂策虛昇飛遊宴玉京畢引玄雲之氣三咽止便讀玉經畢又祝曰
九宮一合化形帝展上昇紫房命真召仙會

清魂魄領括百神七玄康樂拔苦破根死煙滅氣福極充軒兆登太霄駕景控雲月中五帝挾日精輪鬱將逸阜馳景同還
紫素左元君
讀太初九素金華景元君道經當思紫素左

元君翳鬱无刃真氣景雲之色從此泥丸中入下布此頭面之境畢微祝曰

野鬱生真真景生空靈光呈呈紫氣融融上致流津下布我宮身生水火體變玉光飛仙羽蓋昇入神公受書玉經成我仙宗畢引景雲之氣三咽便讀玉經畢又祝曰

慶元旨津流汨西田大帝携手命君高仙拔散渴極斷絕死根上一天帝號玄凝天曜明六合淨寂泥丸是為百无上使兆保長安列圖玉皇併襟帝展五府生華六液龍源淵清太素鬱靈金津萬仙來朝五嶽啓陳玄愆恍散天福奏煙彤梁守命戶長來護死門上生玉秀受位金仙天之玉堂常接帝賢九天之中安賜劫年
黃素中元君

讀九皇上真司命君道經當思黃素中元君圓華黃刃真氣展景之暉上華從此泥丸中入下布此胃腹之境畢微祝曰
九天上景化生華睥見睥太空曜真紫微上致中黃百神降迴散根離苦八難豁開七組

同昇福慶幾幾使我神仙八景齊飛畢引景
暉之氣三咽止便讀玉經畢又祝曰

大帝精魂陽堂八靈放散死氣混合衆生帝

一承圖三元會明九真安安七神寧寧超越

滯節過度鬼兵上昇帝晨賜樂玉庭玄母定

錄五府開清胞根沒種血汗殄平七祖父母

起福三清无天明夫掌我仙經廣神安氣綠

迴絕冥閉藏死關太混一生長寢羽臺上固

神五老室受錄上清關係德七元日上上登

玉霄下下合帝一

白素右元君

讀天皇上真玉華三元君道經當思白素右

元君啓明蕭刃真氣月中之華從此泥丸中

入下布兆下關小腹至脚微祝曰

白素啓明九天同生高虛素鬱浮景玉清迴

真典仙流灑八溟通幽達微胡曜華精使我

內徹五孔閉明神公來遊我道克成畢引月

華之氣三咽止便讀玉經畢又祝曰

魂生九氣氣變成神五老經會太一化仙二
十四真迴形帝先九曲下戶鎮生白雲黃庭

六府含養命根胎結胞樹種栽死山一得拘
制永斷滅源符籍清明金映玉軒長為德伯

世得通思昇登日月遠友帝仙

日中司命

讀太一上元禁君道經當思日中司命接生

真氣三華之氣從兆泥丸中入下布兆左手

之戶畢微祝曰

四大衆天天元來歸三華吐曜司命景飛為

我招仙七祖散關上登太虛日月同暉畢引

三華之氣三咽止便讀玉經又祝曰

太一務猶收傳司北帝司玄一老子握節往

來元素把符白元守雌煥然神光明披霞昇

帝墻列坐震靈帝混合五日房白氣育上生

昔君案延昌左携精上門右抱合和嬰我生

日月華友賓赤氣王八景照泥丸朗然洞房

中嬰兒為赤子泥離生玉容五道秀金華位

為上清公七祖斷玄滯身得兼神風徘徊三

清上和樂返嬰童

月中桃君
讀元虛黃房真晨君道經當思月中桃君方

盈真氣月暉之色從此泥丸中入下布兆右
手之戶微祝曰

元虛黃房內月中號方盈左宴朱顏臺右携

仙皇庭宴景三秀房結我神始生同飛入玄

玄七祖返華嬰畢引月暉之氣三咽止便讀

玉經畢又祝曰

九元鎮真五帝纏綿日月中王與兆為親大

混三五離落魄魂百節金映玉液迴神五府

生華白氣運煙充溢三清紫房實津上開仙

戶下塞死門令我羽簡玉帝之前七祖父母

返生南軒虎符攝魔龍旌命神太一金書招

東三官除滅死籍列名王真係生太上日月

同年

左目童子

讀太極主四真人元君道經當思左目童子

飛雲真氣日之華光從兆泥丸中入下布兆

左目之中畢微祝曰

四極太靈元君精映日華充溢童明光光二

景相照通我明梁三丹啓真我道開張毛羽
羅襪飛上玉京畢引華光三咽止便讀玉經

畢又祝曰

我乘混合氣經回九真丘養光太昌子駢羅
雙羽珠九尊衆帝生洞景迴須臾七祖結解
款繳積忽已除世世生福昌玄祖獲仙書身
昇太靈宮控龍宴玉虛上朝上清皇見侍幸

正扶

右日童子

讀四斗中真人七晨散華君道經當思右日
童子慶學真氣月之華光從兆泥九中入下
布此右日之中畢微祝曰

七晨飛華華散三元混合成真上招月魂為
我降靈降我仙門七祖同飛上朝帝君單引
月之華光三咽止便讀玉經畢又祝曰

三素牢張上老君神生道因我魄逸遊保兆
六合腦憂苦沒曲門死氣閉地下身為帝一

君併襟樂六府鏡心丹玄房熙氣泥九野體
曜金暉羽錄召真白氣重鬱百神死鮮長與
日月符籍經錫世保道德永為天仙寂寂內
注送昇帝最

肺部童子

讀辰中黃景元君道經當思肺部童子素明
真氣五闕暉光從兆泥九中入下布兆肺部
華蓋之門上通兩目之童畢微祝曰

童子素明黃雲九纏滄臺飛輪三神協真號
曰玄上景列位高皇賓總攝命百神携我入

紫煙畢引暉光三咽止便讀玉經畢又祝曰

二老在左右帝魂不可分三九變其上下太

一立其中根五神奉我生藉司命塞我死門

九宮合而為一六合總而內真世獲仙書福

慶纏綿五老對席日月為親太一來迎上昇

帝晨七祖滯血皆為拔根返胎南宮受生帝

軒兆宴玉堂同襟帝輪世世列圖羽服揚幡

子孫保昌慶及後玄長為仙伯役使萬神

胎中白氣君

讀金闕後聖太平李真天帝上景君道經當

思胎中一元白氣君務玄子太一精魂玄歸

子二神真氣三華之色從兆泥九中入下布

兆五藏結喉之本訖微祝曰

金闕煥玉清白氣映丹霞明光鬱金鈴五色
吐三華流津宴霞雲結我始生牙玉符召百

神金威微萬魔保此億劫年仙道明凶邪畢
引三華之氣三咽止便讀玉經畢又祝曰

天生八氣迴合帝鄉五神奉符司命扶將技

斷死籍蓋織幽冥七世解結福延玉庭血積

沈沒三素煥清兆昇天堂與帝合靈世得仙

契所願必成種年日中植命月庭返胎重蒙

回為孩嬰生與天同壽與日并

結中青氣君

讀太虛後聖元景彭室真君道經當思結中

青氣君案延昌元君精魂保谷童二神真氣

氣如玉華從兆泥九中入下布兆五藏大胃

上口微祝曰

雜合九靈二真幽密太虛重天上携太一雌

雄混合同仙妙室上變九仙下解胎結七祖

慶欣五苦解脫使我飛騰靈化本質畢引玉

華三咽止便讀玉經畢又祝曰

種福九天外披尸地門下七玄解滯積斷樹

除憂苦返胎朱火官更生九玄尸真氣日日

臻禍害日除兆昇三清室乘廳上景庭命
與月母俱年隨日帝生累玄保仙籍迴老更

重嬰福昇六合內受圖水常生

節中黑氣君

讀太玄都九氣丈人主仙君道經當思節中

黑氣君越來生帝真精魂幽臺生二神真氣

玉光之色從兆泥丸中入下布兆九腸之口

伏源之下畢微祝曰

太玄何寥寥黑氣生上靈帝真洞明景九氣

合神廬變化十方領條欲聲明初萬真鍊我

仙百關自清居七玄斷胞樹九曾昇福堂上

招景中子與我登飛與畢引玉光三咽止便

讀玉經畢又祝曰

帝魂應元阿常鎮兆生門伏尸滅落保魂草

神玄母迴光奉帝玉仙右命太一乃及兆身

北宴上清列為玉賓顏生日華年合月煙長

躋金房景為隣除憂伏胃門披苦三塗中

福積丹玄內慶充泥丸房百神混帝一大變

流迴風返兆朽艾形改貌為聖童世世入仙

堂玄玄登羽官大劫雖屢傾興日方增崇

胎胞中黃氣君

讀上清八景老君道經當思胞中黃氣君祖

明卑天帝精魂理維藏二神真氣黃雲之色

從兆泥丸中入下布兆小腸二孔之本畢微

祝曰

上清禮玄臺八景乘天紀黃氣協神真精魂

對帝子太一度命籍五符固不死携仙帶展

輝迴風返形始故苦出七祖同歡九玄裏畢

引黃雲三咽止便讀玉經畢又祝曰

白雲合神景乘素會太微上朝帝一室解帶

皇一階啓明金門中三陽召上歸昇我身肉

神覆蓋大明威大寶九華光映兆形帔雲混

真散香雲靈舍景月中返胎受生年侍曜景

命遠元傾身為仙王保此上清世受真書玄

華玉庭

血中赤氣君

讀東華方諸官高展師王保王青童君道經

當思血中赤氣君混離子司命精魂發紐子

二神真氣如赤雲之色從兆泥丸中入下布

兆百關絕節之下畢微祝曰

展輝煥東霞丹景映高清二真協神宗落落

七華生五老飛帝席太一保童嬰錦雲曜幽

夜朗朗開重宴七祖勤符籍南極受胎靈高

展躬雲與運我昇飛解技解億世基歡我萬

劫程畢引赤雲氣三咽止便讀玉經畢又祝

曰

五道混迴七門始分南和建節白帝彰形靈

探理魄會昌護神奉符登霄寢息主軒定錄

瓊札世為天仙三塗塞絕除伐胞根死氣沈

零禍輪元連福臻重枝慶會華玄名書玉堂

內世為道德門

上玄元父玄母

讀扶桑大帝九老仙皇君道經當思上玄元

父高同生下玄玄母叔大王帝皇太一重冥

空九帝尊神日明真大帝精魂陽堂玉天帝

九關魂錄迴道天紀帝魂照元阿七神真氣

混合蓮花之形從兆泥丸中入下布兆本命

之根胞胎大結之中畢微祝曰

元父玄母七真齊氣神公大帝九老并位為

我國生拔度十界日月同符九帝合契坐命

天魔萬靈來拜浮景三舉上震杖保億世界

引蓮花之氣三咽止便讀玉經畢又祝曰

太玄聚輝映冠扶養大帝變景須臾混分入
兆五府堅我玉根變軒太一合羽揚輪與兆
上昇迴轉金門年日德昌體實金仙世世昌
威真符流連玄玄累業名書靈軒羽籍紫庭
飛香奏煙福速百枝慶溢帝門

三素老君

第二

十二

讀小有玉真萬華先生主圖玉君道經當思
三素老君牢張上正一左仙仲成子正一右
仙曲文子三神真氣混合黃白玄三色之雲
從兆泥丸中入下布兆鼻下人中微祝曰

玉真生帝景萬華乘雲發三老輔二仙共鎮
死尸窟神映七華生朽骨蒙更蛻起逸三界
度五苦感解脫得入九天表上朗高朱日畢
引三色之炁三咽止便讀玉經畢又祝曰
命門合精六混七分太一把籍司命理神帝
一圓形元英守魂太現紫房奉符帝君胞樹
伐滅斷絕血根七玄更起沈景生煙兆得上
昇化合帝最身映日月命與天連重華累輝
威會上尊世書靈羽紫錄內宣乘景三素壯
宴高元號曰仙王上清真人

中央玄一老子

讀玄洲二十九真伯上帝司禁君道經當思
中央玄一老子林靈天真氣黃雲之色布兆
陰蓋之端壯方黑帝係成局真氣玄雲之色
布兆膀胱之中西方白帝彰安幸真氣素雲

之色布兆陰囊之中南方赤帝長來覺真氣
絳雲之色布兆口舌之中東方青帝雕梁際
真氣青雲之色布兆五藏內五帝真氣從兆
泥丸中之下布兆一身畢微祝曰

五帝明真輔仙玄伯上帝景暉吐靈數帝籍
將神曜徘徊重冥羽景保錄太一命籍五氣
總魂三精固魄金仙練容停年返白拔出幽
根日月同宅畢引五色氣五咽止便讀玉經
畢又祝曰

上寶月九真日義變王室呼吸紫微大混帝

一八煙叢生百靈明威九現離合三光同暉
天皇在元紫煙霏霧五神奉圖始命不虧愛
入九宮披服朱衣腰佩虎章流雲繡幃帷帳
欄玕五色徘徊日月照察仗以東西神庭內
醴以除渴飢三五復反轉藏管機周流太一

生均兩儀玉清隱文又祝曰

太一變六合五神嘯泥丸七積滅三塗血尸
塞下關三輪對五真拔斫胞樹根丈人號神
宗同心元素君天皇入太清五老奉符文世
世登羽宮重華日中軒元王始明精固我本

命門保弼運錄氣歸上谷下玄冥景映形神
朝躋太上輪日月併玉鈴年隨二景分丹書
玉堂內位為天上君左携羽臺子右提金顏
仙帝卿

讀太元晨中君利峨眉山中洞宮玉戶太素
君道經當思帝卿肇勒精絳宮中一輔卿中
先堅黃庭下弼卿綠上明三真之氣混合青
白黃三色之雲從兆泥丸中入下布兆身三
宮本命帝室畢微祝曰

三真生太无玉戶映晨霞太素洞元虛丹靈
森朱阿迴神九重府內唱發瓊華關納百津
液停年三秀柯我身騰玉清七祖離幽都長
保不終劫萬一承仙家畢引三色雲氣三咽
止便讀玉經畢又祝曰

帝一混九玄太素五華精寶羽宴玉堂八風
廟太明高上乘元景凌梵履昌靈七化紫房
下九混五帝清體生六色曜金映流神形感
濯元氣內金書玉皇庭玉清隱文又祝曰
靈雲始分白氣營素混會九玄三五流布帝

一解形起登霄路太一呼吸五華堅固司命
主日中白元司日暮日中靜心中妙悟夕
隱泥九百神宣布二官可以長生心腦可以
長度

帝一真君

讀西元龜山九靈具仙母青金丹皇道君道
經嘗思大洞帝一尊君父寧在真氣五色紫
雲之煙從兆泥九中入下布一形之內散氣
九孔之中畢微祝曰

九靈通妙化金仙混扶赤帝一變百神合靈
西丹皇上為胎仙母下號稱神宗曜景純雲
妙蕭蕭紫微宮為我執命籍保真三素房妙
景空中降練我返嬰蒙七根絕苦衷逸起九
福堂早引紫雲三咽止便讀玉經畢又祝曰
太上洞明飛景九元結精凝神司命混合散

形德分千乘火甲萬騎揚幡俱與太一上造
帝庭仙伯元起徘徊仲成曲文一合我氣再
合我神三合我魄四合我魂五合我精六合
我身我身六合洞靈啓真八景靈駕三素浮
輪我與帝一俱昇至最重華累枝混合天仙

身有道籍世有生報金簡羽符名刊日軒所
願即從天祿說說所向如心萬福盈門常存
太上帝一混九雌雄混化百靈經綿讀經萬
遍雲駕來迎携宴五帝日月九君號為仙公
上清真人

大洞消魔神禁內祝隱文存諸真法

九天上文出自高上口訣解滯散原大洞真
經三十九章理極於此上則引致高靈之霞
映下則滅於萬魔之凶誦之一遍開明幽關
三十九戶納受玉津死氣沉塞百神內歡百
神既暢則聲達九玄氣朝紫霄響叩玉晨五
帝東帝萬靈朝軒生來歸七祖昇遷身致
羽童駕景乘雲飛行玉清位齊紫霄此高玄
之妙道玉清之秘篇皆授金名玉宇高仙真
人七百年中有合此質聽得一傳

後聖曰得受大洞真經三十九章修行之日
當先行大洞之儀格誦玉清隱祝之文又存
百神內名外則過於萬試內則塞於死關如
此一遍便得一日一夜單誦三十九章不煩
徧徧依舊行其儀軌也若是日又登齋誦經
者當便按舊過行之

雲笈七籤卷之四十二